

**Enw:** Samuel Griffiths  
**Dyddiad geni:** 1783  
**Dyddiad marw:** 1860  
**Rhiant:** Mary Griffiths  
**Rhiant:** Thomas Griffiths  
**Rhyw:** Gwryw  
**Galwedigaeth:** gweinidog Annibynnol  
**Maes gweithgaredd:** Crefydd  
**Awdur:** Thomas Eirug Davies

Ganwyd ym Mlaenbrwynen, plwyf Clydau, Sir Benfro. Codwyd ef i bregethu yn Nhrelech. Bu wrth ei grefft fel saer maen, a chan na chafodd fanteision addysg ymroes i'w ddiwyllio'i hun, a throes i gadw ysgol yn Llwynyrhwrdd. Gorfodwyd ef i ymuno â gwarchodlu'r sir o 1813 hyd ddarostyngiad Napoleon. Urddwyd ef yn weinidog yn Horeb, Ceredigion, yn 1818. Llafuriodd yn fawr yno i gadw ysgol a lledu cylch ei enwad. Cymerth ofal Carmel, Pantdefaid, yn 1821; adeiladodd gapel Bwlchgyroes a sefydlu eglwys yno yn 1833, a chychwynnodd achos ym Mrynteg, Llanwenog, yn 1839. Cyhoeddodd *Traethawd ar Swper yr Arglwydd*, 1822; *Traethawd ar Grefydd Deuluaidd*, 1828; *Cofiant y Parch. Morgan Jones, Trelech*, 1836; *Gwaedd yng Nghymru*, 1853; a nifer o gatecismau i'r ysgol Sul. Bu'n gyfarwyddwr cyfreithiol di-dâl a chymodwr mawr i gymdogaeth eang. Bu farw 4 Gorffennaf 1860 yn 77 oed a'i gladdu ym Mwlichgyroes. Brawd iddo oedd y [Parch. William Griffiths](#) (Methodistiaid Calфинаidd), Bury Green, Bro G yr.

## Awdur

Y Parchedig Thomas Eirug Davies, (1892 - 1951)

## Ffynonellau

E. Pan Jones, *Cofiant y Parch. Samuel Griffiths, Horeb* (1879)

*Hanes Eglwysi Annibynnol Cymru*, iv, 201

## Dolenni Ychwanegol

Wikidata: [Q20734389](https://www.wikidata.org/wiki/Q20734389)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

